



Broj: 07-03-04-24618/23
Sarajevo, 29.11.2023. godine

SKUPŠTINA KANTONA SARAJEVO
- ovdje -

PREDMET: Odgovor na zastupnička pitanja zastupnika Davora Čičić, dostavlja se

Zastupnik Davor Čičić, na Osmoj radnoj sjednici Skupštine Kantona Sarajevo, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo, uputio je zastupnička pitanja:

- Prema Ministarstvu privrede Kantona Sarajevo i KJP „Sarajevo-šume“ d.o.o. Sarajevo:

“1. Na dnevnom redu 8. radne sjednice Skupštine KS nalazi se izvještaj o radu KJP „Sarajevo-šume“ za 2020. godinu. Prema posljednjim materijalima koji su dostavljeni zastupnicima nalazi i se i revizorski izvještaj o radu preduzeća za 2020. godinu revizorske kuće Baker Tilly Re Opinion d.o.o. Sarajevo koje je iskazalo svoje mišljenje sa rezervom što izražava sumnju da dijelovi finansijski izvještaja nisu prikazani objektivno, a samim tim i realno i stvarno stanje u kantonalnom preduzeću. Molim za informaciju šta se zaključno sa 30.6.2023. konkretno uradilo u ispunjavanju preporuka iz mišljenja revizorske kuće i da li su neke od tih preporuka već ispoštovane?

2. Ukoliko nisu ispoštovane preporuke ovlaštene revizorske kuće, koji su konkretno problemi koji onemogućavaju Upravu KJP „Sarajevo-šume“ d.o.o. Sarajevo da ispoštuje navedene preporuke iz revizorskog izvještaja?

3. Koji su konkretno resursi potrebni i koja je konkretna pomoć potrebna od strane Skupštine KS, Vlade KS i Ministarstva privrede KS da bi KJP „Sarajevo-šume“ ispoštovao sve preporuke iz revizorskog izvještaja, a kako bi budući revizorski izvještaji o poslovanju preduzeća dobili pozitivnu ocjenu i na fer i objektivan način prikazao stanje u preduzeću, a kako bi osnivač imao puno informaciju o radu i stanja u preduzeću koje upravljom značajnom imovinom građana Kantona Sarajevo?”

- Prema Ministarstvu privrede Kantona Sarajevo i KJP „Veterinarska stanica“ d.o.o. Sarajevo:

“1. Na dnevnom redu 8. radne sjednice Skupštine KS nalazi se izvještaj o radu K.JP „Veterinarska stanica“ za 2020. godinu. Prema posljednjim materijalima koji su dostavljeni zastupnicima nalazi i se i revizorski izvještaj o radu preduzeća za 2020. godinu revizorske kuće Zuko d.o.o. Sarajevo koje je iskazalo svoje mišljenje sa rezervom što izražava sumnju da dijelovi finansijski izvještaja nisu prikazani objektivno, a samim tim i realno i stvarno stanje u kantonalnom preduzeću. Molim za informaciju šta se zaključno sa 30.6.2023. konkretno uradilo u ispunjavanju preporuka iz mišljenja revizorske kuće i da li su neke od tih preporuka već ispoštovane?

2. Ukoliko nisu ispoštovane preporuke ovlaštene revizorske kuće, koji su konkretno problemi koji onemogućavaju Upravu KJP „Veterinarska stanica“ d.o.o. Sarajevo da ispoštuje navedene preporuke iz revizorskog izvještaja?

3. Na osnovu koje odluke i kojeg organa je KJP „Veterinarska stanica“ d.o.o. Sarajevo umanjila poziciju i iznos osnovnog kapitala za 1.028.278 KM u 2020. godini i da li je ta pozicija u narednim godinama zaključno sa 30.6.2023. izmijenjena i na osnovu kojih odluka?



4. Koji su konkretno resursi potrebni i koja je konkretna pomoć potrebna od strane Skupštine KS, Vlade KS i Ministarstva privrede KS da bi KJP „Sarajevo- šume“ ispoštovao sve preporuke iz revizorskog izvještaja, a kako bi budući revizorski izvještaji o poslovanju preduzeća dobili pozitivnu ocjenu i na fer i objektivan način prikazao stanje u preduzeću, a kako bi osnivač imao puno informaciju o radu i stanja u preduzeću koje upravljom značajnom imovinom građana Kantona Sarajevo?”

- Prema Ministarstvu privrede Kantona Sarajevo i KJP Centar „Skenderija“ d.o.o. Sarajevo:

“1. Na 8. radnoj sjednici Skupštine KS prezentirani su izvještaji o radu KJP Centar „Skenderija“. Prema posljednjim materijalima koji su dostavljeni zastupnicima nalazi se i revizorski izvještaj o radu preduzeća za 2020. godinu revizorske kuće N.Consalting d.o.o. Sarajevo koje je iskazalo svoje suzdržano mišljenje što izražava sumnju da finansijski izvještaji nisu prikazani objektivno, a samim tim i realno i stvarno stanje u kantonalnom preduzeću. Molim za informaciju šta se zaključno sa 30.6.2023. konkretno uradilo u ispunjavanju preporuka iz mišljenja revizorske kuće i da li su neke od tih preporuka već ispoštovane?

2. Ukoliko nisu ispoštovane preporuke ovlaštene revizorske kuće, koji su konkretno problemi koji onemogućavaju Upravu KJP Centar „Skenderija“ d.o.o. Sarajevo da ispoštuje navedene preporuke iz revizorskog izvještaja?

3. Koji su konkretno resursi potrebni i koja je konkretna pomoć potrebna od strane Skupštine KS, Vlade KS i Ministarstva privrede KS da bi KJP Centar „Skenderija“ ispoštovao sve preporuke iz revizorskog izvještaja, a kako bi budući revizorski izvještaji o poslovanju preduzeća dobili pozitivnu ocjenu i na fer i objektivan način prikazao stanje u preduzeću?”

Shodno gore navedenim zastupničkim pitanjima, Ministarstvo privrede Kantona Sarajevo je uputilo dopise: KJP “Sarajevo-šume”, KJP “Veterinarska stanica” i KJP Centar “Skenderija”, kako bi blagovremeno odgovorili na zastupnička pitanja zastupnika Davora Čičić.

U proteklom periodu putem Protokola Kantona Sarajevo u Ministarstvo privrede stigli su odgovori, koje Vam ovim putem dostavljamo.

Ukoliko imate bilo kakvih nejasnoća, stojimo Vam na raspolaganju.

Prilozi:

- Odgovor na zastupničko pitanje, broj: 0103-3483-2/23 od 23.11.2023. god.- KJP “Sarajevo-šume”
- Odgovor na zastupničko pitanje, broj: 1004/23 od 22.11.2023. god.- KJP “Veterinarska stanica”
- Odgovor na zastupničko pitanje, broj: 4995/23 od 06.10.2023. godine- KJP Centar “Skenderija”

S poštovanjem,



Dostaviti:

1. Naslovu
2. Vladi Kantona Sarajevo - na znanje
3. Evidencija
4. Arhiva



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-121, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

2/2



Općinski sud u Sarajevu,
Broj : 065-0-Reg-22-001052 od 08.06.2022.g.
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Vrsta dok.	Izdavač	RB	Strana
ROD	0103	23	1 od 2

Broj: 0103-3483-2/23
Datum: 23.11.2023. godine

Bosna i Hercegovina - BABIĆ
Federacija Bosne i Hercegovine
KANTON SARAJEVO - SEKRETA

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

PRIMLJENO: 24-11-2023		
Organizaciona jedinica	Risici	Broj priloga
07	03	24618 - 344

MINISTARSTVO PRIVREDE

Veza Vaš Akt, broj: 07-03-24618-264/23 od 14.09.2023. godine

PREDMET: Informacija vezano za zastupničko pitanje zastupnika Davora Čičića, dostavlja se

KJP „Sarajevo-šume“ d.o.o. Sarajevo je zaprimilo Vaš Akt – Zastupničko pitanje, broj: 07-03-24618-264/23 od 14.09.2023. godine, protokoliranim kod KJP „Sarajevo-šume“ d.o.o. Sarajevo pod brojem: 0103-3483-1/23 od 19.09.2023. godine, te u prilogu istog Akt - Zastupničko pitanje zastupnika Davora Čičića od 21.08.2023. godine.

Vašim Aktom – Zastupničko pitanje, broj: 07-03-24618-264/23 od 14.09.2023. godine, zatražili Ste da dostavimo cjelovitu informaciju na zastupničko pitanje zastupnika Davora Čičića.

Zastupnik u Davor Čičić Aktu - Zastupničko pitanje od 21.08.2023. godine prema Ministarstvu privrede Kantona Sarajevo i KJP „Sarajevo-šume“ d.o.o. Sarajevo uputio je sljedeće zastupničko pitanje:

1. Na dnevnom redu 8. radne sjednice Skupštine KS nalazi se izvještaj o radu KJP „Sarajevo-šume“ za 2020. godinu. Prema posljednjim materijalima koji su dostavljeni zastupnicima nalazi se i revizorski izvještaj o radu preduzeća za 2020. godinu revizorske kuće Baker Tilly re Opinion d.o.o. Sarajevo koje je iskazalo svoje mišljenje sa rezervom što izražava sumnju da dijelovi finansijskih izvještaja nisu prikazani objektivno, a samim tim i realno i stvarno stanje u kantonalnom preduzeću. Molim za informaciju šta se zaključno sa 30.06.2023. godine konkretno uradilo u ispunjavanju preporuka iz mišljenja revizorske kuće i da li su neke od tih preporuka već ispoštovane?
2. Ukoliko nisu ispoštovane preporuke ovlaštene revizorske kuće, koji su konkretno problemi koji onemogućavaju Upravu KJP „Sarajevo-šume“ d.o.o. Sarajevo da ispoštuje navedene preporuke iz revizorskog izvještaja?
3. Koji su konkretno resursi potrebni i koja je konkretna pomoć i koja je konkretna pomoć potrebna od strane Skupštine KS, Vlade KS i Ministarstva privrede KS da bi KJP „Sarajevo-šume“ d.o.o. Sarajevo ispoštovao sve preporuke iz revizorskog izvještaja, a kako bi budući revizorski izvještaji o poslovanju preduzeća dobili pozitivnu ocjenu i na fer i objektivna način prikazao stanje u preduzeću, a kako bi osnivač imao punu informaciju o radu i stanju u preduzeću koje upravlja značajnom imovinom građana Kantona Sarajevo?

Shodno navedenom na Akt - Zastupničko pitanje od 21.08.2023. godine, dajemo informaciju, kako slijedi:

Zbog dosadašnjih preporuka iz revizorskih izvještaja o finansijskoj reviziji Ureda za reviziju institucija u Federaciji Bosne i Hercegovine, preporuka iz revizorskih izvještaja o finansijskoj reviziji Nezavisnog revizora i Odjela za internu reviziju unutar Kantonalnih javnih preduzeća iz resora Ministarstva privrede Kantona Sarajevo, preporuka, instrukcija, očitovanja, upita i drugih aktivnosti u saradnji sa Uredom za borbu protiv korupcije i upravljanje kvalitetom, kao i drugih otvorenih spornih pitanja, Vlada Kantona Sarajevo Rješenjem o formiranju Stručnog tima za analizu finansijskog stanja i usklađenosti aktivnosti, finansijskih transakcija i informacija s relevantnim zakonima i drugim propisima, drugih otvorenih pitanja od značaja za kantonalna javna preduzeća iz resora Ministarstva privrede Kantona Sarajevo, broj: 02-04-45780-39 od 10.11.2022. godine, imenovala je Stručni tim za analizu finansijskog stanja i usklađenosti aktivnosti, finansijskih



Općinski sud u Sarajevu,
Broj : 065-0-Reg-22-001052 od 08.06.2022.g.
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Vrsta dok.	Izdavač	RB	Strana
ROD	0103	23	2 od 2

transakcija i informacija s relevantnim zakonima i drugim propisima, drugih otvorenih pitanja od značaja za kantonalna javna preduzeća iz resora Ministarstva privrede Kantona Sarajevo.

Jedan od zadataka naprijed navedenog Stručnog tima dat u članu III tačka 1. i tačka 2. navedenog Rješenja je da će Stručni tim zajedno sa Tehničko operativnim timom prije svega analizirati dosadašnje preporuke iz revizorskih izvještaja o finansijskoj reviziji Ureda za reviziju institucija u Federaciji BiH, konstatovati u kojoj mjeri su ispoštovane preporuke, te ponuditi stručno mišljenje oko realizacije do sada nerealizovanih preporuka, te analizirati dosadašnje preporuke iz revizorskih izvještaja o finansijskoj reviziji Nezavisnog revizora I Odjela za internu reviziju unutar Preduzeća, konstatovati u činjenično stanje, te ponuditi stručno mišljenje oko realizacije do sada nerealizovanih preporuka.

Dakle, obzirom da je evidentno da preduzeća iz nadležnosti Ministarstva privrede Kantona Sarajevo nisu bila u mogućnosti sama ispoštovati preporuke iz revizorskih izvještaja o finansijskoj reviziji Ureda za reviziju institucija u Federaciji Bosne i Hercegovine i preporuka iz revizorskih izvještaja o finansijskoj reviziji Nezavisnog revizora i Odjela za internu reviziju unutar Kantonalnih javnih preduzeća iz resora Ministarstva privrede Kantona Sarajevo, Vlada Kantona Sarajevo je već poduzela aktivnosti i imenovala naprijed navedeni Stručni tim, koji je u obavezi da sačini izvještaj za sva KJP, koji će se dostaviti Vladi Kantona Sarajevo putem Ministarstva privrede Kantona Sarajevo.

Do dana sačinjavanja ovog Odgovora nije nam poznato da li je navedeni izvještaj Stručni tim dostavio Vladi Kantona Sarajevo.

U slučaju dodatnih pojašnjenja stojima na raspolaganju.

S poštovanjem!



Direktor
KJP „Sarajevo-šume“ d.o.o. Sarajevo


Omerović Samir, dipl.ing.šum.

DOSTAVLJENO:

- Naslovu
- Direktor Preduzeća
- Evidencija
- Na objavu na web stranici
- Arhivi Preduzeća



ID: 4200119470009
PDV: 200119470009

Broj : 1006/23
Datum : 22.11.2023god.

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 24-11-2023		
Organizaciona jedinica	Klasifikacija	Broj prijema
07	09 50167	

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO PRIVREDE KS

Predmet: Odgovor na zastupnička pitanja upućena od strane
Klub SDP-a Skupština Kantona Sarajevo, zastupnik Davor Čičić

Na osnovu zastupničkog pitanja upućenog od strane gosp. Davora Čičić (Zastupnik iz Kluba SDP-a u skupštini Kantona Sarajevo) u nastavku obrazloženja na postavljena pitanja.

Pitanje br. 1: Na dnevnom redu 8. radne sjednice Skupštine KS nalazi se izvještaj o radu KJP "Veterinarska stanica" za 2020. godinu. Prema posljednjim materijalima koji su dostavljeni zastupnicima nalazi se i revizorski izvještaj o radu preduzeća za 2020. godinu revizorske kuće Zuko d.o.o. Sarajevo koje je iskazalo svoje mišljenje sa rezervom što izražava sumnju da dijelovi finansijski izvještaja nisu prikazani objektivno, a samim tim i realno i stvarno stanje u kantonalnom preduzeću. Molim za informaciju šta se zaključno sa 30.06.2023. konkretno uradilo u ispunjavanju preporuka iz mišljenja revizorske kuće i da li su neke od tih preporuka već ispoštovane ?

Odgovor:

Dio preporuke revizorske kuće, tj. mišljenja sa rezervom, za koje se veže Vaše pitanje, odnosi se na sljedeće:

" Preduzeće iskazuje stanje potraživanja od kupaca i potraživanja od radnika starija od godinu dana u iznosu od najmanje 94.470 KM."

U pogledu ispunjavanja preporuka iz mišljenja revizorske kuće u periodu od 2019-2023. godine, djelimično su ispoštovane.

Pitanje br. 2: Ukoliko nisu ispoštovane preporuke ovlaštene revizorske kuće, koji su konkretno problemi koji onemogućavaju Upravu KJP "Veterinarska stanica" d.o.o. Sarajevo da ispoštuje navedene preporuke iz revizorskog izvještaja ?

Odgovor: Potraživanja u iznosu od 94.470 KM odnose se na sumnjiva i sporna potraživanja koja se povlače dugi niz godina. Određena potraživanja od strane radnika i kupaca u periodu 2019-2023. god. su naplaćena. Veliki dio sumnjivih i spornih potraživanja je pod zastarom. Utuženja istih potraživanja predstavljalo bi veliki trošak za preduzeće, obzirom na advokatske i sudske troškove, a ishod tužbi je pod pretpostavkom da ne bi bio u našu korist.

Ukoliko bi došlo do otpisa navedenih potraživanja, isto bi prouzrokovalo veliki gubitak za preduzeće, obzirom da bi došlo do značajnog povećanja rashoda.

Pitanje br. 3: Na osnovu koje odluke i kojeg organa je KJP "Veterinarska stanica" d.o.o. Sarajevo umanjila poziciju i iznos osnovnog kapitala za 1.028.278 KM u 2020. godini i da li je ta pozicija u narednim godinama zaključno sa 30.06.2023. izmijenjena i na osnovu kojih odluka)

Odgovor: Na osnovu vandredne revizije od 31.05.2019. godine, revizijom je utvrđeno da razlika u iznosu od 1.028.278 ne predstavlja osnovni kapital, nego isto predstavlja odloženi prihod nastao kao dio imovine date na upravljanje i korištenje. U skladu sa utvrđenim, date se sljedeće preporuke:

- Analizirati svu dokumentaciju vezanu za registraciju, odnosno svu dokumentaciju u vezi sa pravnim sljedništvom posebno sa stanovišta priznavanja imovine date na korištenje u visini kapitala
- Uskladiti stanje registrovanog kapitala u Kantonalnom sudu Sarajevo sa poslovnim knjigama Preduzeća.
- Na osnovu analize dokumentacije izvršiti korekciju bilansne pozicije kapitala na način da se utrdena razlika, koja je vezana za preporuke date u napomeni "Stalna sredstva" treba uskladiti i pravilno proknjižiti. Skrećemo pažnju na vezanost konta usklađenosti stalnih sredstava – imovine sate na upravljanje i korištenje sa ovom korekcijom u pasivnoj bilansnoj poziciji.

Naime, postupljeno je, u skladu sa datim preporukama te je iznos od 1.028.278 KM sa pozicije kapitala preknjižen na konto "Ostali unaprijed plaćeni odloženi prihodi".

Pitanje br. 4.: Koji su konkretno resursi potrebni i koja je konkretna pomoć potrebna od strane skupštine KS, Vlade KS i Ministarstva privrede KS da bi KJP "Sarajevo šume" ispoštovao sve preporuke iz revizorskog izvještaja, a kako bi budući revizorski izvještaji o poslovanju preduzeća dobili pozitivnu ocjenu i na fer i objektivan način prikazao stanje u preduzeću, a kako bi osnivač imao punu informaciju o radu i stanju u preduzeću koje upravljom značajnom imovinom građana Kantona Sarajevo"

Odgovor: S obzirom na to da se postavljeno pitanje odnosi na KJP "Sarajevo šume", na dato pitanje "KJP Veterinarska stanica" Sarajevo ne može dati odgovor.

U slučaju da se pitanje odnosilo na naše preduzeće, smatramo da po pitanju revizorskih preporuka iz ranijih godina, obzirom na samu problematiku i prirodu datih preporuka, Ministarstvo privrede KS, kao ni Vlada KS, ne može pružiti konkretnu pomoć.

S poštovanjem,



za KJP „ Veterinarska stanica“ d.o.o.

Direktor

Nasihá Spahić, dipl.vet



KANTONALNO JAVNO PREDUZEĆE
Centar Skenderija d.o.o. Sarajevo
Terezija bb, 71 000 Sarajevo, BiH

Tel. Centrala +387 33 201 203; Tel. Kabinet: +387 33 226 614; 229 990

ID: 4200736910008
ID PDV: 200736910008
Rg: UF/I-5183/00
RJ: 065-0-Reg-11-002860


INTESA SANPAOLO: 154-001-11000047-05; RAIFFEISEN BANK BH DD: 1610000050610052

Broj: 4995/23
Datum: 06. 10. 2023



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo

Ministarstvo privrede
N/r Ministar Zlatko Mijatović



Predmet: Dostavljanje Informacije na zastupničko pitanje 21.08.2023./Zastupnik Davor Čičić

Poštovani,

Vežano za vaše traženje informacije od 15.09.2023 u vezi sa zastupničkim pitanjem Zastupnika Davor Čičić, informišemo Vas na sljedeći način:

Izveštaj eksternog revizora za KJP Centar „Skenderija“ doo za 2020. godinu, koji je vršila revizorska kuća „N. Consulting doo“ sadržavao je dolje pobrojane preporuke, a obrazloženja o provedbi istih, dajemo ispod boldiranog naslova, u nastavku svake pojedinačne preporuke:

1. Društvo nije napravilo umanjene vrijednosti potraživanja od kupaca u iznosu od 1.713.477 KM i ostalih potraživanja od zakupoprimaca u iznosu od 4.623 KM koja su na dan 31. decembra 2020. godine starija od godinu dana pošto Uprava vjeruje da su ova potraživanja naplativa. Obzirom da za ova potraživanja Društvo nema instrumente osiguranja naplate, na bazi raspoloživih informacija i sprovedenih revizijskih procedura, nismo bili u mogućnosti da se uvjerimo da je načinjeno umanjene vrijednosti adekvatno kako bi se knjigovodstvena vrijednost ovih potraživanja svela na nadoknadivi iznos. U skladu sa navedenim nismo bili u mogućnost procijeniti efekat prethodno navedenog na finansijske izvještaje Društva za godinu koja je završila 31. decembra 2020.

Obrazloženje:

Odlukom NO br.914/22 od 18.02.2022. izvršena je ispravka vrijednosti i otpis svih potraživanja starijih od godinu dana, nastalih u periodu 2012.-31.12.2020 u iznosu 1.787.228,50 KM tako da je preporuka je u cjelosti ispoštovana.

2. Društvo nije napravilo umanjene vrijednosti investicijskih nekretnina. Društvo u svojoj imovini posjeduje nekretnine koje daje u zakup i koje su klasifikovane u skladu s MRS 40 „Investicijske nekretnine“. Društvo na dan 31. decembar 2020. godine nije izvršilo test na umanjene vrijednosti u skladu sa MRS 36 „Umanjenje vrijednosti imovine“. Provedenim revizorskim procedurama nismo mogli potvrditi iskazani iznos investicijskih nekretnina, kao ni potencijalne efekte korekcije umanjena na finansijske izvještaje na dan i za godinu koja se završava 31. decembra 2020. godine.

Obrazloženje:

Za sve prigovore koji se tiču vrijednosti imovine i kapitala, informišemo vas da postoje ograničenja koja su



razlog nemogućnosti primjene pojedinih računovodstvenih standarda, prvenstveno zbog okolnosti koji nisu pod kontrolom Društva i na koje Društvo ne može uticati bez adekvatnih odluka od strane titulara imovine i Osnivača – Skupštine i Vlade Kantona Sarajevo, kao jedine strane koja ima faktička i vlasnička prava na imovinu. Neriješeni i neharmonizirani imovinsko pravni odnosi između KJP Centar Skenderija i Kantona Sarajevo, tj. status materijalne i nematerijalne imovine, osnovni je uzrok neadekvatnog iskazivanja vrijednosti imovine i kapitala Društva. To je osnovni razlog zašto nismo u mogućnosti angažovati procjenitelje i vještake, jer procjenjivati možemo imovinu čiji je status jasan i zadokumentovan, što nije ovdje slučaj jer je jedini vlasnik imovine Kanton Sarajevo. Dok se ne riješi status imovine i kapitala, eksterne revizije neće dati pozitivno mišljenje na finansijske Izvještaje KJP Centar „Skenderija“ doo Sarajevo.

3. Kapital na dan 31. decembar 2020. godine iskazan je u iznosu od 29.535.564 KM. Navedeni iznos čini kapital Kantona Sarajeva u iznosu od 10.000 KM, državni kapital iskazan po Rješenju o vlasničkoj transformaciji od 07. jula 1999. godine u iznosu od 22.859.150 KM i kapital koji pripada fizičkim licima u iznosu od 6.666.414 KM stečen postupkom pribavljanja dodatnog kapitala. Prema sudskom rješenju, osnovni kapital iznosi 10.000 KM. Društvo na dan sastavljanja finansijskih izvještaja nije izvršilo usaglašavanje gore navedenih podataka sa sudskim rješenjem, te na osnovu dostavljene dokumentacije nismo mogli utvrditi efekte usaglašavanja na finansijske izvještaje.

Obrazloženje:

Obrazloženje ove tačke identično je prethodnom, Vlasnik i titular imovine i kapitala KJP Centra Skenderija je Vlada i Skupština Kantona Sarajevo, iznos osnivačkog kapitala po sudskom Rješenju iznosi 10.000 a stvarna vrijednost kapitala je u 29.535.564 KM, obuhvata državni kapital i kapital koji pripada fizičkim licima stečen postupkom pribavljanja dodatnog kapitala.

Dok svojim Odlukama Skupština Kantona ne uskladi vrijednosti kapitala i dok se ne riješi status imovine, eksterne revizije neće dati pozitivno mišljenje na finansijske Izvještaje KJP Centar „Skenderija“ doo sarajevo

4. Društvo je prikazalo revalorizacione rezerve u iznosu od 7.501.943 KM, za koje nam nije dostavilo dokumentaciju, niti smo se alternativnim procedurama mogli uvjeriti u postojanje navedenih.

Obrazloženje:

Nije poznat izvor niti način nastanka revalorizacionih rezervi, pa je u knjigovodstvenom smislu nastavljen naslijeđeni kontinuitet od Početnog bilansa.

5. Društvo je iskazalo rezervisanja po osnovu sudskih sporova u iznosu od 12.615 KM koja su formirana u prethodnom periodu. U toku revizije nismo stekli uvjerenje da je Društvo izvršilo adekvatnu procjenu ishoda sudskih sporova u skladu sa MRS 37 „Rezervisanja, potencijalna imovina i potencijalne obaveze“. Na osnovu informacija i dokumentacije koja nam je bila na raspolaganju nismo mogli izvršiti vlastitu procjenu neophodnih rezervisanja, te na taj način procjeniti efekte na finansijske izvještaje na dan 31. decembar 2020. godine.
6. Društvo nije izvršilo evidentiranje rezervisanja za troškove zaposlenih u skladu sa MRS 19 „Primanja zaposlenih“ koji zahtjeva da se iznosi primanja koji su zaposlenici ostvarili trebaju priznati kao obaveza, mjereni primjenom akterskih metoda. Na osnovu provedenih revizorskih procedura, nismo mogli ustanoviti efekte odstupanja od stanadarda na finansijske izvještaje na dan 31. decembar 2020. godine.

Obrazloženje se odnosi na tačku 5. i tačku 6.

Činjenica je da Društvo treba napraviti precizniju procjenu po osnovu sudskih sporova i ustanoviti iznos obaveze koji bi teretio račun uspjeha, ali u tome nas ograničava „stanje na terenu“ tj. procjena ishoda vezana za praksu naših sudova, zbog čega nam naši spoljni



saradnici iz advokatskih kancelarija odbijaju dati procjene ishoda, što je dodatna otežavajuća okolnost.

Ne smijemo zanemariti stanje nelikvidnosti Društva i višegodišnjeg akumuliranog gubitka kao okvir u kojem se donose poslovne odluke.

S tim u vezi ne vršimo značajnija rezervisanja ni sudskih sporova, niti obaveza prema radnicima kako nalaže MRS 19. procjena obaveza prema radnicima primjenom aktuarskih metoda. Angažman aktuara i procjena obaveza prema radnicima, imala bi značajno negativan finansijski uticaj na Društvo, osim toga kada se jednom ustanovi kao praksa angažman aktuara i aktuarske procjene, trebalo bi biti primjenjivano u kontinuitetu, za šta Društvo trenutno nije finansijski spremno.

7. Angažovani smo kao revizori Društva junu 2021. godine i nismo bili u mogućnosti da prisustvujemo popisu zaliha na datum 31. decembar 2020. godine, niti smo mogli da se alternativnim revizijskim procedurama uvjerimo u stanje zaliha na dan 31. decembra 2020. godine, koje su iskazane u bilansu stanja u iznosu od 82.966 KM

Obrazloženje:

Društvo raspisuje Javni poziv za Eksternog revizora za period dvije ili više godina, time se ova preporuka poništava, jer revizori u ovom slučaju prisustvuju godišnjem popisu i mogu steći uvjerenje u stanje Zaliha.

8. Na dan 31. decembar 2020. godine dugoročne obaveze u iznosu od 1.171.892 KM uključuju i dio kratkoročnih obaveza, za koje Društvo nije izvršilo reklasifikaciju u svojim finansijskim izvještajima. Navedeno predstavlja odstupanje od Međunarodnog računovodstvenom standarda 1 „Prezentacija finansijskih izvještaja”, te nismo bili u mogućnosti da procijenimo i utvrdimo iznos kratkoročnog dijela dugoročnih obaveza, niti da utvrdimo ukupne efekte odstupanja na finansijske izvještaje Društva za godinu koja je završila 31. decembra 2020. godine.

Obrazloženje:

Konkretno dugoročne obaveze odnose se na priznata ulaganja zakupcima - ulagačima iz 2006.god, po osnovu Protokola sa Skupštinom Kantona Sarajevo, čime je Društvu nametnuta obaveza od cca 11.000.000 KM. Društvo umanjuje iznos svojih faktura prema zakupcima za 50% i tako isplaćuje ovu višegodišnju obavezu. Navedene obaveze po klasifikaciji su dugoročne, a doslovna primjena ovog standarda zahtjeva razdvajanje te obaveze u 365 dana, što nije od ključnog uticaja na kvalitetu informacija korisnika, a zahtjeva dodatno softversko rješenje i angažman kadrova, kojim Društvo ne raspolaže.

9. Priloženi finansijski izvještaji ne uključuju u potpunosti evidentiranja po osnovu Sporazuma o plaćanju dužnih javnih prihoda u ratama zaključen sa Poreznom upravom FBiH, u mjaui 2018. godine, čiji ukupan dug javnih prihoda iznosi 2.255.854 KM. Na dan 31. decembar 2020. godine po navedenom Sporazumu Društvu nije evidentiralo kamate i troškove prinude u ukupnom iznosu od 926.094 KM, zbog čega je iznos obaveze i gubitaka iz ranijih godina podcjenjen za navedeni iznos na dan 31. decembar 2020. godine.

Obrazloženje:

Prestao je da postoji osnov za ovu primjedbu, jer su zatezne kamate, kako je tadašnja Uprava i procijenila, u cjelosti otpisane. U skladu sa Zakonom o izmjenama i dopunama Zakona o zateznoj kamati na javne prihode, kamate na javne prihode se otpisuju ukoliko se glavnica plati pravovremeno, iz tog razloga Uprava je napravila procjenu da usljed stanja stalne tekuće nelikvidnosti neće dodatno teretiti poslovni rezultat za iznos kamata, jer se radi o dugu koji je nastao u 2014.godini, a tereti bi poslovni rezultat u 2020. a dodatni argument je izvjestan otpis kamata, koji se desio u 2021.god.

10. U toku 2020. godine Društvo je evidentiralo troškove i prihode koji se ne odnose na navedeni period u neto iznosu od 21.474 KM. Prethodno navedeno nije u skladu sa Okvirom za sastavljanje i prezentaciju finansijskih izvještaja, temeljnom pretpostavkom „Načela nastanka poslovnog događaja” i MRS 8 „Računovodstvene politike, promjene računovodstvenih procjena i greške” koji propisuju da se efekti transakcija i drugih događaja priznaju kada su nastali. Nadalje, za naknadno utvrđene greške Društvo treba da prilagodi uporedna stanja za



KANTONALNO JAVNO PREDUZEĆE
Centar Skenderija d.o.o. Sarajevo
Terezija bb, 71 000 Sarajevo, BiH

Tel. Centrala +387 33 201 203; Tel. Kabinet: +387 33 226 614; 229 990

ID: 4200736910008
ID PDV: 200736910008
Rg: UF/I-5183/00
RJ: 065-0-Reg-11-002860

INTESA SANPAOLO: 154-001-11000047-05; RAIFFEISEN BANK BH DD: 1610000050610052

prethodni period ili prezentirano prethodno razdoblje u kojem je pogreška nastala, ili da prilagodi početna stanja imovine, obaveza i glavnice za najranije prezentirano razdoblje.



Obrazloženje:

Osnov za ovu primjedbu prestao je da postoji, navedeno knjiženje ispravljeno je početkom naredne poslovne godine.

11. Društvo je u svojim knjigovodstvenim evidencijama po istom osnovu dva puta uvećalo prihod u iznosu od 15.000 KM, čime je prihod u 2020. godini precijenjen za navedeni iznos. U skladu s tim, gubitak i akumulirani gubitak za godinu koja je završila 31. decembra 2020. godine je potcijenjen za iznos od 36.474 KM.

Obrazloženje:

Osnov za ovu primjedbu prestao je da postoji, navedeno knjiženje ispravljeno je početkom naredne poslovne godine.

S poštovanjem,


Damir Petrinić dipl.etc.

